

„ჭ ი ნ ჭ რ ა ქ ა“

(გ. ნახუცრიშვილის „ჭინჭრაქა“ რუსთაველის თეატრის მცირე დარბაზში)

1. „ოროტსა სძლია კეთილმან“, ზეიმობს სიხარული, სიყვარული და იმარჯვებს ზღაპრის გმირების ლამაზი ოცნება. ყველაფერი შესაძლებელია ზღაპარში: კაციჰამია ბაყ-ბაყ დევისა და მზეთუნახავის არსებობა, მფრინავი ხალიჩები და გლეხი ბიჭის—ჭინჭრაქას ყოვლის შემძლეობა, ადამიანად ქცეული მხეცებისა და სიბრძნეს ნაზიარები 100-წლიანი ქოსა-მრჩეველის სიგიჟემდე მისული ცეკვა... ყველაფერი შესაძლებელია ზღაპარში.

ამიტომაც არავის გაკვირვებია ზღაპრული პერსონაჟების ამეტყველება რუსთაველის თეატრის მცირე სცენაზე, არც ის გაკვირვებით, რომ დიდ და მოუქნელ დათვის ეროსი მანჯგალადის ლამაზი ტემბრის ხმა ჰქონდა, გაიძვრა მელიას — მედეა ჩახავას მომხიბვლელობა, მსუნაგ მგელს — გიორგი გეგუჭკორის პლასტიკურობა და მოქნილობა, ტურას — ზინა კვერენჩხილადის წკრიალა ხმა.

უხაროდა ყველას სერგო ზაქარიაძის ბავშვურად გულუბრყვილო და უზარმაზარი ბაყ-ბაყ დევის სულელური კითხვების ყურის გდება. რამაზ ჩხიკვაძის ქოსა-მრჩეველის დარიგებისა და სიმღერის მოსმენა. ბელა მირიანაშვილის მეფისწულისა და სალომე ყანჩელის მზეთუნახავის ხილვა...

საზეიმო ვითარებაში პირობითად მინიშნულ ტყესა და სასახლეში (მხატვრები: ე. ქოჩიაკიძე, ა. სლოვინსკი, ი. ჩიკვაძე), მხიარულ მუსიკაში (კომპოზიტორი ბ. კვერნაძე). იუმორსა და სიცილში ჩვენს წინაშე მოქმედებდნენ გ. ნახუცრიშვილის პიესის გმირები, სიცოცხლეს, სიყვარულს ამკვიდრებდნენ სცენაზე.

შეიძლება ზოგჯერ ირღვეოდა ზომიერების გრძნობა. გადამეტებით გროტესკულად გამოიყურებოდნენ კახი კავსადისა და ელდარ სახლთხუციშვილის გმირები, შეიძლება აღარ სჭიროდა თვალს წინა ფარდებზე გამოსატულობათა სიმრავლე, მაგრამ მაყურებელი მაინც დაძაბული იყო, ღიმილი არ სტოვებდა ბავშვსა და მოხუცს, ყველა იზიარებდა კ. საკანდელიძე — ჭინჭრაქას ვაჟკაცობითა და თავდადებული სიყვარულით მოპოვებულ ბედნიერებას.

ბევრი რამე შეიძლება ითქვას ამ სპექტაკლზე: მიხილ თუმანიშვილის რეჟისორულ ფანტაზიაზე, სერგო ზაქარიაძის, რამაზ ჩხიკვაძისა და სხვათა ოსტატურ თამაშზე, მაგრამ ამჯერად ჩვენ გვინდა აღვნიშნოთ სპექტაკლისაგან მიღებული ზოგადი შთაბეჭდილებანი და განსაკუთრებით ის ფაქტი, რომ ვიხილეთ ასეთი ხასიათის დადგმა.

ჩვენ გვინდა და გვჭირდება ასეთი შემოქმედებითი სიახლით დაღმპული სპექტაკლები.

ბ. თვალაშვილი

